



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XV. Profectio Jacobi in Mesopotamia[m]. &c.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

adventu præcognito non tantùm ærumnas suas levabat ; sed futura cum præsentibus componens , *spiritu*, non secus ac parens Abrahamus , *exultabat* ; oriturum ex sua progenie Messiam , omnibus gentibus desideratum.

NAR. XV,  
PROFECTIO IACOBI  
IN MESOPOTAMIAM ET  
EIUS IBI SERVITIUM.

Genes. 28, Anno Mundi 2276. Ante Christum 1777.

**N**on cæca quædam Dea est fortuna, quæ spes mortalium volubili rotat globo ; sed DEI , omnia gubernantis, providentia facit, ut alij velut per scalam, quam ipse sedens in summo regit, ascendant ad sublimia fortunati, infortunati alij descendant ad imum, id quod vidit, quodque expertus est Jacobus, cum ob præreptum piô, quemadmodum narravimus, dolô natalium primatum, in invidiam, & odia fratris natu majoris, incurrisset, simul iras ejus effugiturus, simul uxorem è sanguine, & terra cognata, ducturus, auspice DEO, Parentibus benè precantibus, iter ingreditur in Mesopotamiam, Syriae Provinciam, ætatis anno septuagesimo octavo. Terminus erat itineris *Haran* Urbs, ubi tum degebat *Labanus*, ipsius avunculus, quippe frater *Rebecca*, homo tam avarus, quàm opulentus, & idolorum cultor. Primum peregrinationis diem dum magnis

magnis urget itineribus, solis occasus, corporisque fatigatio festinantem oppressit, prope urbem *Luzam*. Idoneum igitur sub dio quieti locum capit, puluilli loco, capiti lapidem subijcit, facili somno corripitur. Dormienti scala obiicitur, è terra in Cœlum præterita, quot gradibus, tot arcanis plena mysteriis; com- meabant per eam sursum deorsum Genij Cœlites; cacumini DEUS ipse majestatem suam inclinabat; præsignante ostento, Messiam olim nasciturum, in cujus persona Cœlum terræ, Divinitas Humanitati erat conjungenda. In summo quippe, Æterni Pa- ter Verbi, seu Filij; in imo Jacobus, ejusdem secun- dum hominem progenitor representabatur; inter- jecti gradus indicârunt cæteros Majores, quorum progenie Christus erat oriundus. De quo Cœli se- creto nequa Jacobo relinqueretur dubitatio, is, qui scalæ initebatur, mœstum, & rerum futurarum soli- citudine suspensum, erexit commemoratione felici- tatum, quibus omnis ejus posteritas erat affluxura. Sacer initio horror animum peregrini perstrinxit; mox liquida voluptate permulsus, lapidem, cui in- dormiit, statuit in modum cippi, illudque mirifice apparitionis monimentum oleo perungit, consecrat- que DEO. Ex eo eventu nomen vicino oppido *Luzæ* in *Bethalem* est mutatum; Hebræis, DOMUM DEI, quem id loci spectabilem Jacobus habuerat. Is, qui nova tum spe pollicitationum cœlestium confirma- tus, voti sese nuncupatione, in arctiora Numinis obsequia, & peculiarem famulatum obstringebat.

Exinde septem dierum itinere confecto, in agrum *Hanani* proximum pervenit; ubi sciscitanti è pasto- ribus de familia avunculi sui, commodum offert se

*Rachel*, in qua cum ætate & formâ, flos pudicitiaæ certabat; paternas ea tum oves pascebat ruri, pro ævilius genio, quo simplicitas & innocentia inter prima virginum decora numerabantur. Erat id fortè temporis, quod adaquandorum gregum Rachelem admonebat, quibus, quoniam lapis puteo impositus accessum negabat ad aquam, Jacobus, ignoto sibi, puellæ gratiam conciliaturus beneficiò, saxum revolvit, viam pecori, copiamque facit bibendi. Hauriunt lympham oves, amorem Rachel; utique postquam verbis ultro, citroque datis deventum est in notitiam consobrinae propinquitatis; Jacobus igitur basiò castò, dulcibus mixtò lacrimis, salutationis, & amoris officium initiat. Nec mora; calentibus animis, calent pedes. Rachel festina, consanguineij juvenis adventum nuntiat domum, patri Labano; hic properat in occursum, introducit gratissimum nepotem in aedes, inter amplexus, oscula, mutuos, de causis susceptæ protectionis, sermones: colit omni humanitate advenam; hospitium simul & perfugium offert, spem nuptiarum cum una filiarum facit. Neque hospes adventor quidquam obsequiorum in se desiderari passus; cum integro jam mense virtutem in dultriàmque egregiè probâisset avunculo, gregis universi curæ præficitur.

Omnino septennium ei servituti, & desiderijs potiendæ Rachelis impenderat indefessus pastor, empturus à socero nuptias famulatu, quas ære non poterat. Sed hic, ut erat parcus in promissis, ita fallax in promissorum fide, vafre substituit pro Rachele *Liam*, annis majorem filiam, longè minorem formâ, quippe oculorum lippitudine laborantem. Alterum

pro-

proinde servitutis septennium pro Rachele exigitur; quod ubi pari alacritate, fidéque Jacobus expleverat, demum Rachel ei in manum convénit, seróque Josephum peperit; cum ex Lia complurium liberorum pater efficeretur, pensante foecunditate, quod deerat formæ. Jacobus multa jam actus prole, petit à sócero facultatem revisendæ patriæ; sed homo ingei.ii duri & illiberalis, non contentus tam diuturni servitij impendiô, septennem insuper famulatum paciscitur; nec abnuit, pro indolis suæ facilitate, Jacobus; pactionis erat conditio, ut oves & capræ cum nigræ, tum vario sparsæ vellere pilove separatim pascerentur ab ijs, quibus lana candebat; & harum quidem cura Jacobo: illarum, Labani filiis comitteretur; ex albis porrò quæ provenirent maculosæ, pertinerent ad generum; quæ sine maculis, essent Labani.

Videbatur hic astus omnem mercedis spem ademisse Jacobo, cum ex matribus unicoloribus factura non posset expectari discolor. Didicit artem è caelo fidissimus opilio, quâ simul vafritiem hominis versipellis eluderet, simul laboris longi ferret pretium. Virgas striatim decorticat populeas, & amygdalinas, easque ex albo & viridi variatas, proponit in canalibus, unde potus fluebat foetis gregibus. Ibi tum miraculum naturæ videre licuit; agnæ, varietate virgarum oculis & imaginationi objectâ, maculosum pleraque fundunt partum. Id ubi Labanum advertit, causæ nequaquam intelligentem, mutatur pactum; diversi colores foetus vendicantur sócero, reliqui permittuntur genero; non meliore infidi locatoris successu; bacillorum namque objectu variatæ

riatæ foeturæ, serotinae seu autumnales, utique dete-  
 riores, cedebant Labano; meliores autem & vernæ,  
 sine virgarum ab undis relucentium & imagine con-  
 ceptæ, simplicique colore lanatæ, in Jacobi incre-  
 mentum pariebantur: consiliô utique divinô, quô  
 vicennis operæ mercês pastori, & dos uxorum repo-  
 neretur marito. Itaque fortunis ampliter ditatus  
 Jacobus, præter liberorum copiam, (*undenos enim*  
*tum numerabat filios, quorum nomina, Rubem, Sime-*  
*on, Leui, Iudas, Dan, Nephtali, Gad, Aser, Issachar, Zabu-*  
*lon; Iosephum Rachel peperit; & postea in Chananiti-*  
*de Benjaminum, ex cuius partu decessit; filiam ge-*  
*nuit Jacobus unam; cui Dinae nomen ex Lia suscep-*  
*tam*) ancillarum quoque, & servorum numerosum  
 famulitium, minorumque greges pecorum; & ar-  
 menta majorum nempe camelorum, boum, asinorum  
 comparavit, secum in Palæstinam abducenda. Aded  
 prosperitatis foecunda parens & virtus, cuius pretium  
 longè aliâ metitur æstimatione DEUS, aliâ homines.

NAR. XVI.

JACOBUS AVCTVS  
 LIBERIS, ET OPIBUS REDIT  
 IN PATRIAM CHANANITIDE M.

Genes. 31. 32. 33. Anno M. 2296. ante  
 Ch. 1757.

**J**Am fluxerat annus vigesimus commorationis  
 Haranæ, cum Jacobus consilium capit de de-  
 ferendo Labani famulatu, adornando in patri-  
 am